

續修四庫全書



《續修四庫全書》編纂委員會編

續修四庫全書

上海古籍出版社

三〇一・史部・別史類

帝王世紀十卷附錄一卷補遺一卷〔晉〕皇甫謐撰〔清〕宋翔鳳集校……………一

帝王世紀續補一卷 帝王世紀考異一卷〔清〕錢保塘輯并撰……………三三

世本五卷〔漢〕宋衷注〔清〕張澍輯并補注……………四三

周書集訓校釋十卷逸文一卷〔清〕朱右曾撰……………一一五

周書斟補四卷〔清〕孫詒讓撰……………一七九

王會篇箋釋三卷〔清〕何秋濤撰……………二二五

藏書六十八卷（世紀卷一至名臣傳卷十）〔明〕李贊撰……………三一五

2285/01

帝王世紀

〔晉〕
〔清〕

皇甫謐 撰
宋翔鳳 集校

據上海圖書館藏清光緒貴筑楊氏
刻訓纂堂叢書本影印原書版框
高一七一毫米寬二五〇毫米

帝王世紀集校序

隋書經籍志帝王世紀十卷皇甫謐撰起三皇盡漢魏自唐以後亡矣今由舊書略加搜采粗分卷帙校定其文燦然可誦敘曰太史公稱尚書載堯以來而百家言黃帝其文不雅馴意以唐虞以前恍惚冥冥言之豐實然孔子贊易嘗言庖犧神農更推黃帝以上而周官內史掌三皇五帝之書雖或取中古爲可信何嘗棄鴻荒而不談哉皇甫士安出自西晉代邇秦漢九流未泯上稽牛首下訖當塗蓋亦本宣聖之成典復內史之遺則遠追繩契附會恒滋揆於載筆足資多識考此書之出唐宋以來多有崇尚覈其所載亦受指摘是非一端余致意再三辨其枉曲東晉尚書偽跡大顯世紀之內

○世紀序

訓纂堂叢書
貴筑楊氏刻

輒引其文謂作偽之由發於皇甫今考世紀夏商二代引五子之歌仲虺之誥按校文誼上下不屬又時日易喪之義上同於伏生罪在朕躬之禱事符於呂墨較於梅書違異絕甚北史劉炫傳言炫偽造連山易而世紀亦引連山之文凡此諸科大抵屬入夫方士惑主且藏牛腹之書私家賂行尙定蘭臺之字而況寫諸家策習於口耳者乎太沖練都蔚然可傳元晏同時猶假名爲序而況異世之人邈若河漢作偽之術不嫌徑庭者乎試以此書校乎史記子長氏取才六經綜覈傳記其旨約而洽士安氏旁推悉緯鉤探九流其義博而正怪異之錄不經之談兩家之書俱無斯累削茲青檢錄彼散亡亦其宜矣其紀都邑明帝王之興廢在德匪險紀壘田

民數明盛衰之故關乎聚散田治則民聚年凶而不饑田荒則民散國危而難立謀治國者當攷求於茲至於漢之帝后各有名字馬班所無竊疑魏晉之閒別有相沿之說況士安之時稍近於古卽得異於傳聞無以明其穿鑿後儒有譏未敢遽同也嘉慶十七年四月宋翔鳳記

○世紀序

訓纂堂叢書
貴筑楊氏刻

帝王世紀第一 自開闢至三皇

晉徵士皇甫謐撰

長洲宋翔鳳集校

天地未分謂之太易元氣始萌謂之太初氣形之始謂之太始形變有質謂之太素太素之前幽清寂寞不可爲象惟虛惟無蓋道之根道根既建由無生有猶通由太素質始萌而末兆謂之麗洪蓋道之幹既育萬物成體於是剛柔始分清濁始立一作通天成於外而體陽故圓以動蓋道之實質形已具謂之太極御覽一按太易太初太始太素之說見天地人之元術云先置天元太初元已元年一百九十萬八千八百五十三歲乃始太初元已來載數其言太初也蓋者謂元氣始萌之太初也言太初元已來載數其言太初也蓋自元氣之萌而已有可推之數御覽又引禮斗威儀曰二十萬九千八百四十歲而反太素禮含文嘉曰推之以上元爲始起十一月甲子朔旦夜半冬至日月五星俱起牽牛之

初鄭注上元太素已來至所未年據此知太初太始太素已來俱有年可求故世紀敘之於首

天皇大帝曜魄寶地皇爲天一人皇爲太一五行大義五

天子至尊之定名也應神受命爲天所子故謂之天子故孔子曰天子之德感天地洞八方洞一作動是以功合神者稱皇德合天地稱帝義合者稱王御覽七十六按義文類聚十一引作仁義合者稱王又按公羊成八年注引孔子曰德合天地者稱帝河洛受瑞可放仁義合者稱王此義上當有仁字本春秋說也

功合神者稱皇德合地者稱帝德合人者稱王初學記九

太昊帝庖犧氏風姓也按初學記引此下有景龍蛇身人首有聖德都陳路史後紀一引作瑟三十六弦按初學記引尺一燧人氏沒庖犧氏代之繼天而王首德於木爲百王先帝出於震未有所因故位在東方主春象日之明是稱太昊

制嫁娶之禮取犧牲以充庖廚故號曰庖犧後世音謬故或謂之宓犧原注一解云宓古伏字後誤以宓爲密故號曰密學引一解兩宓字亦作處後漢一號黃熊氏按五行大義引班固傳注引作後或謂之伏義一號黃熊氏作雄黃氏路史後紀一作雄皇世在位一百一十年御覽七十八引

包羲亦號天皇後路史

取犧牲以供庖廚食天下班固傳注引故號曰庖犧氏或作必戲氏者宓字誤也按二宓字當山下著必作宓是古之伏字禮記月令正義

太皞帝庖犧氏風姓也母曰華胥燧人之世有大人之迹出於雷澤之中華胥履之生庖犧於成紀蛇身人首有聖德爲百王先帝出於震未有所因故位在東主春象日之明是以

稱太皞一號黃熊氏同上尚書序正義史記索隱補三皇紀

伏義氏仰觀象於天俯觀法於地觀鳥獸之文與地之宜近取諸身遠取諸物於是造書契以代結繩之政畫八卦以通神明之德以類萬物之情所以六氣六府五藏五行陰陽四時水火升降得以有象百病之理得以有類乃嘗味百藥而制九針以極天枉焉御覽七百二十一

庖犧作八卦神農重之爲六十四卦黃帝堯舜引而申之分爲二易至夏人因炎帝曰連山殷人因黃帝曰歸藏文王廣六十四卦著九六之爻謂之周易初學記廿九御覽六百九

伏羲葬南郡或曰冢在山陽高平之西也後路史按路史襄陽郡在

太昊在位一百一十年子孫五十九姓傳世五萬餘歲唐文粹陳鴻大統紀序

女媧氏亦風姓也承庖犧制度疏文類聚十一引此文無此五字有作筌簞三字亦

蛇身人首一號女希是為女皇其未諸侯有共工氏任智刑

以強伯而不王以水承木非行次故易不載及女媧氏沒次

有大庭氏柏皇氏中央氏栗陸氏驪連氏赫胥氏尊盧氏渾

混氏吳英氏有巢氏朱襄氏葛天氏陰康氏無懷氏凡十五

世皆襲庖犧之號禮記正義一初學記九御覽七十八

燧人為皇宋均以祝融為皇而鄭依春秋緯以女媧為皇承伏義皇甫謐亦同按女媧襲庖犧制度故雖為皇而不自

代為一神農氏姜姓也母曰任姒冊府元龜作任已有喬氏之女名女登為

○世紀一

三訓纂堂叢書

少典妃遊於華陽有神農首感女登於尚一作羊生炎帝人

身牛首長於姜水因以氏焉有聖德以火承木位在南方主

夏故謂之炎帝都於陳作五弦之琴凡八世帝承帝臨帝明

帝直帝來帝哀帝榆罔御覽七十八

炎帝神農母曰任姒有蟠氏女有女登少典妃遊華陽有龍

首感之生神農於襄羊山一曰少典取葬水氏女曰聽訖音妖

生帝臨魁御覽百三十五

位南方主夏故曰炎帝作耒耜始教民耕農嘗別草木令人

食穀以代犧牲之命故號神農一號魁隤氏是為農皇五行大義

五

炎帝初都陳又徙魯五帝紀索隱

魁隤氏又曰連山氏又曰列山氏又

炎帝神農氏長於江水始教天下耕種五穀而食之以省殺

生嘗味草木宣榮療疾救天傷人命百姓日用而不知著本

草四卷御覽七

神農氏本起於烈山或時稱之據禮記祭法正義校增按三

所起亦曰有烈氏皇甫謐一號魁隤氏是為農皇或曰炎帝

日厲山今隨之屬鄉也疏文類聚十一引此下炎帝退而

脩德夙沙之民自攻其君而歸炎帝營都於魯重八卦之數

究八八之體為六十四卦在位百二十年而崩葬長沙御覽

八三皇紀曰按國語炎帝黃帝皆少典之子其母又皆有

嬌氏之女據諸子及古史考炎帝之後凡八代五百餘年軒

轅氏代之豈炎帝黃帝是昆弟而同母氏乎皇甫謐以為少

典有嬌氏諸侯國號然則姜姬二帝同出少典氏黃帝之母

又是神農母氏之後代女所以同是有嬌氏之女也

在位百二十年而崩至榆罔凡八世合五百三十年初學記

史後紀曰春秋命歷序炎帝入代五百二十年古今通系世紀等並因乎此

蚩尤氏強與榆罔爭王於涿鹿之野御覽五十六

榆罔居空桑空桑為陳畱故歸藏啓筮云蚩尤伐空桑按此

字後人帝所居也紀四

炎帝戮蚩尤於中冀名其地曰絕轡之野疏文類聚六

黃帝有熊氏少典之子姬姓也母曰附寶其先即炎帝母家

有嬌氏之女世與少典氏婚故國語兼稱焉及神農氏之末

少典氏又取附寶見大電光繞北斗樞星照郊野感附寶孕

二十五月初學一路史後記並引作二十四月疏文十生黃帝於壽

印御覽百卅五引此下注云干寶曰二十長於姬水因為

姓四月生餘同按此則正文當是二十月黃帝三句依五龍顏

書正義引作黃有聖德愛國於有熊居軒轅之印故因為

名又以為號與神農氏戰於阪泉之野三戰而克之力牧常

先大鴻神皇鉅封直人鎮神皇已下一本作神大山稽鬼與

區封胡孔甲等孔一作孝或以為師或以為將分掌四方各如已

視故號曰黃帝四目又使岐伯嘗味百草典醫療疾今經方

本草之書咸出焉其史倉頡又取象鳥跡始作文字御覽二

引此下有史官之作蓋自此始記其言行策又引而藏之名

曰書契黃帝亦號帝鴻氏或曰歸藏氏或曰帝軒吹律定姓

有四妃生二十五子在位百年而崩年一百一十歲史記集

年百一十一歲御覽七十九世紀一

黃帝垂衣裳倉頡造文字然後書契始作初學記

居軒轅之印故因為名得寶鼎與封禪有景雲之瑞故以

雲紀官為雲師以土德王在位百年而崩年百一十歲或言

壽三百歲故宰我疑以問孔子孔子曰人賴其利百年而崩

人畏其神百年而亡人用其教百年而移故曰三百年初學

神農氏衰黃帝修德化民諸侯歸之黃帝於是乃擾馴猛獸

與神農氏戰於阪泉之野三戰而克之又徵諸侯使力牧神

皇直討蚩尤氏擒之於涿鹿之野使應龍殺之於凶黎之印

史記索隱凡五十二一作戰而天下大服或傳以為仙或言壽

三百歲葬於上郡陽周之橋一作山御覽七

居軒轅之印故因為號治五氣設五量及神農氏衰黃帝

脩德撫民諸侯咸去神農而歸之黃帝於是乃擾馴猛獸與

神農氏戰於阪泉之野三戰而克之又徵諸侯使力牧神皇

直討蚩尤氏擒之於涿鹿之野使應龍殺之於凶黎之印凡

五十二戰而天下大服聚十一

聲禁重聲衣禁重衣食禁重味居禁重室路史後紀按

黃帝夢大風吹天下之塵垢皆去又夢人執千鈞之弩驅羊

數萬羣帝寤而歎曰風為號令執政者也垢去土后在也御覽

作解清治者天下豈有姓風名后者哉夫千鈞之弩異力也御覽

力能遠驅羊數萬羣能牧民為善者也御覽作是能天下豈

有姓力名牧者哉於是依二占以求之御覽作二夢得風后

於海隅登以為相得力牧於大澤進以為將御覽三九十九

七

黃帝以風后配上台天老配中台五聖配下台謂之三公其

餘知天規紀地典力牧常先封胡孔甲等或以為師或以為

將後漢張衡傳注

黃帝四史官沮誦倉頡隸首孔甲小學紺珠五

黃帝有熊氏命雷公岐伯論經脈旁通問難八十一為難經

教制九針著內外術經十八卷御覽七

岐伯黃帝臣也帝使岐伯嘗味草木典主醫病經方本草素

問之書咸出焉又

黃帝五十年秋七月庚申天大霧三日帝游洛水之上見大

魚殺五牲以醺之天乃甚雨七日七夜魚流始得圖書今河圖視萌篇是也世傳大霧三日必有甚雨自此始也初學記六

又八百七十五
凡重霧三日必大雨雨未降不可冒行御覽十五

黃帝四妃生二十五子依御覽百卅五增此句元妃西陵氏女曰螺祖

生昌意次妃方雷氏女曰女節生青陽次妃彤魚氏女生夷

鼓一名蒼林次妃嫫母班在三人之下五帝紀索隱

黃帝於東海流波山得奇獸狀如牛蒼身無角能走入水

中則風雨光如日月其音如雷名曰夔黃帝殺之以其皮為

鼓聲聞五百里御覽五百八十二又八百九十九

黃帝服齋於中宮坐於元冠洛上乃有大鳥雞頭鸞喙龜頭

○世紀一訓纂堂叢書黃覽楊氏采

龍形鱗翼魚尾其狀如鶴體備五色三文成字首文曰順德

背文曰信義膺文曰仁智不食生蟲不履生草或止帝之東

園或集阿閣其飲食也必自歌舞音如簫笙初學記卅路史後紀曰今商

之上洛南有冠冠山

黃帝時蟪大如虹御覽九百四十七

宓犧為天子都陳在禹貢豫州之域西望外方東及明緒一作

諸路史後紀三引作明緒於周陳胡公所封故春秋傳陳太昊之墟也於

漢屬淮陽今陳國是也神農氏亦都陳又營曲阜故春秋稱

魯大庭氏之墟黃帝都涿鹿於周官幽州之域在漢為上谷

而世本云涿鹿在彭城今上谷有涿鹿縣及蚩尤城阪泉地

又有黃帝祠皆黃帝戰蚩尤之處也或曰黃帝都有熊今河

南新鄭是也御覽百五十五

或言故有熊氏之墟黃帝之所都也鄭氏徙居之故曰新鄭

水經注

炎帝自陳營都於魯曲阜黃帝自窮桑登帝位後徙曲阜顓

項始都窮桑徙商邱窮桑在魯北或云窮桑即曲阜也又為

大庭氏之故國又是商奄之地周本紀正義

黃帝生於壽邱在魯城東門之北後漢郡國志注居軒轅之邱於山

海經云此地窮桑之際西射之南是也正義周本紀

天子畿方千里曰甸服甸服之內曰京師御覽百五十五

天子所官曰都又

按史記五帝紀索隱曰皇甫謐帝王代紀及孫氏注系本

○世紀一訓纂堂叢書黃覽楊氏采

並以伏羲神農黃帝為三皇少昊高陽高辛唐虞為五帝

帝王世紀第二 五帝

晉徵士皇甫謐撰

長洲宋翔鳳集校

少昊帝名摯字青陽後漢張衡傳注引作清陽姬姓也母曰女節黃帝時

有大星如虹下流華渚女節夢接意感生少昊是爲元嘉降

居江水有聖德邑於窮桑以登帝位都曲阜故或謂之窮桑

帝以金承土故曰金天四字據五即圖識所謂白帝朱宣者

也位在西方主秋令有光明居小陰位十四字亦據五行大義增故稱少

昊號金天氏在位百年而崩御覽七十九

葬於雲陽後紀

少昊樂曰九淵又

少昊乃方雷氏所生五帝紀集解

少昊邑於窮桑都曲阜故或謂之窮桑帝地在魯城北張衡傳

少昊氏自窮桑登位故春秋傳曰世不失職遂濟窮桑登帝

位在魯北後徙曲阜於周爲魯在禹貢徐州蒙羽之野奎婁

之分降婁之次周以封伯禽故春秋傳曰命伯禽而封少昊

之墟是以書序魯公伯禽宅曲阜是也御覽百五十五

帝顓頊高陽氏黃帝之孫昌意之子姬姓也母曰景僕蜀山

氏女爲昌意正妃謂之女樞金天氏之末瑤光之星貫月如

虹感女樞幽房之宮生顓頊於若水首戴干戈有聖德父昌

意雖黃帝之嫡以德劣降居若水爲諸侯及顓頊生十年而

佐少昊十二年而冠二十年御覽一本作二十一而登帝位平九黎

之亂以水承金位在北方主冬以水事紀官命南正重司天

以屬神北正黎司地以屬民於是民神不雜萬物有序始都

窮桑後徙商邱命飛龍效八風之音作樂五英御覽作首以

祭上帝納勝墳氏女嫁音祿生老童有才一作子八人號八

凱顓頊在位七十八年九十八本傳一作依史歲歲在鶉火而

崩葬東郡頓邱廣陽里魏文類聚十一初學記九御覽

顓頊氏自窮桑徙商邱於周爲衛在禹貢冀州太行之東北

踰常山及兗州桑土路史後紀之野營室東壁之分豕韋之

次故春秋傳曰衛顓頊之墟也謂之帝邱今東郡濮陽是也

御覽百五十五

○世紀二

帝嚳高辛氏姬姓也其母不見按言其母姓字不見也初學

生而神異自言其名曰契亦作遂五行辭齒有聖德能順三

辰四字據五年十五而佐顓頊三十登帝位都亳以木承水

以五行名官御覽作以人事紀官故以句芒爲木正祝融爲

火正蓐收爲金正元冥爲水正后土爲土正是五行之官分

職而治諸侯於是化被天下遂作樂六莖以康帝位世有才

子八人號曰八元亦納四妃下其子皆有天下元妃有郤御覽

氏女曰姜嫄生后稷次有娥氏女曰簡狄生高

次陳鋒御覽作豐依氏女曰慶都生放勳次姬訥氏女曰常

儀生帝嚳帝嚳在位七十五年史記集解魏文類年百五歲

而崩葬東郡頓邱廣陽里原注陶宏景云在位六十三

簡狄剖背生契詩生民正義

帝嚳氏都亳今河南偃師是也禹貢外方之城嵩之北或言

在梁非也御覽百五十五

帝摯之母於四人之中其班最下而摯年兄弟最長故得登

帝位封異母弟放勳為唐侯摯在位九年政輒弱而唐侯德

盛諸侯歸之摯服其義乃率其羣臣造唐朝而致禪因委心

一作因願為臣唐侯於是知有天命乃受帝禪而封摯於高

辛氏事不經見漢故議郎東海衛宏所傳云爾御覽八十

帝堯陶唐氏伊此字據初祁姓也母曰慶都孕十四月而生

堯於丹陵尚書序正義引此云慶都觀河遇赤龍晦然陰風

虞都生而禪異常有黃雲覆其上名曰放勳焉庭荷引作河勝眉有八采

○世紀二

豐下鏡上十二字依初學記或從母姓伊耆初學記氏年十五而佐

帝摯受封於唐為諸侯身長十尺嘗夢攀天而上之故年二

十而登帝位以火承木都平陽置敢諫之鼓天下大和命羲

和四子羲仲羲叔和仲和叔分掌四獄分掌四時方獄之職

故名曰諸侯有苗氏處南蠻而不服堯征而克之於丹水之

浦乃以尹壽許由為師命伯夔放山川谿谷之音依放讀為

一作訪作樂大章天下大和百姓無事有八十老人擊壤於

道路史後紀十一引作八九觀者歎曰大哉帝之德也老人

曰吾日出而作日入而息鑿井而飲耕田而食帝何力於我

哉於是景星曜於天甘露降於地朱草生於郊鳳皇止於庭

嘉禾孳於畝澧泉湧於山有焦僂氏以下依文氏作民於是景星

增來貢沒羽厨中自生肉脯初學記並如嬰形搖鼓自

生風使食物寒而不臭名曰嬰脯御覽九引作堯時厨中自

嬰脯則生風又又有草夾階而生隨月生死王者以是占日

月之數惟盛德之君應和而生故堯有之名曰蓂莢一名歷

英始封稷契咎繇褒進伯禹納舜于大麓後年二月又率羣

臣刻壁為書東沈于洛初學記九引作洛水言天命當傳舜之意今中

候運衡之篇是也初學記九引作洛水言天命當傳舜之意今中

舜攝政二十八年堯與方迴遊陽城陽城當作而崩尚書所謂二

十有八載放勳乃殂落是也按說文引虞書曰放勳乃殂此

晉古文作百姓如喪考妣三載四海遏密八音凡堯即位九

十八年墨子以為堯堂高三尺土階三等堯取散宜氏女曰

○世紀二

女皇御覽百卅五生丹朱又有庶子九人皆不肖故以天下

命舜又

凡堯在位九十八年年百一十八歲乃殂百姓如喪考妣三

載四海遏密八音葬于濟陰之成陽西北是為穀林堯取富

謨宜氏女曰女皇生丹朱又有庶子九人皆不肖故以天下

命舜曰咨爾舜天之歷數在爾躬允執其中四海困窮天祿

永終及堯三年喪畢舜踐天子位初學記

堯初生時其母在三河本作阿依之南寄於伊長孺之家故

從母居為姓也五帝紀

堯流共工於幽州以竄北狄遷三苗於三危以竄西戎放驩

兜於崇山以竄南蠻殛鯀於羽山以竄東夷五行大義五

堯時有草夾階而生每月朔日生一莢至月半則生十五莢至十六日後日落一莢至月晦而盡若月小餘一莢厥而不落

四字依義文四卷初學四卷增

王者以是占歷唯盛德之君應和氣而生

以為堯瑞名曰蓂莢一名歷莢一名瑞草

初學記一引作仙苑御覽四

堯以甲申歲生甲辰即帝位甲午徵舜甲寅舜代行天子事

辛巳崩年百十八在位九十八年

五帝紀集解

堯葬穀林穀林即城陽堯都平陽於詩為唐國

又

堯葬濟陰成陽西北四十里是為穀林墨子以為堯堂高三

尺土階三等北教八狄道死葬蚩山之陰山海經曰堯葬狄

山之陽一名崇山二說各殊以為成陽近是堯冢也

余按小成陽在

成陽西北半里許實中俗以爲四堯城土安蓋以是爲堯冢也

水經氾子河注

○世紀二

五

訓纂堂叢書貴筑楊氏采

帝堯氏始封於唐今中山唐縣是也堯山在焉唐水在西北

入唐河南有望都縣山即堯母慶都之所居也

御覽八十引作堯山在北

唐水在西北入河南有望都縣有都山即堯母慶都之所居也

相去五十里都山一名豆山

北登堯山南望都山故名其縣曰望都而地理志堯山在唐

南山中張晏以堯山實在唐北地理志堯之都後徙涿鹿世

本云在彭城南今上谷郡北自有彭城非宋彭城也後又徙

晉陽今太原縣是也於周禮在并州之域及為天子都平陽

詩於風為唐國武王子叔虞封焉更名唐故吳季札問唐之

歌曰思深哉其有陶唐氏之遺民乎

後漢郡國志二注御覽百五十五又百六十三引云帝堯始封於唐又徙晉陽及為天子都平陽平陽即今晉陽晉陽即太原也

水經沁水注曰應劭地理風俗記曰唐縣西四十里得中

人亭今於此城取中人鄉則四十也唐水在西北入沁與

應符合又言堯山者在南則無山以擬之為非也闕駟十

三州志曰中山治盧奴唐縣故城在國北七十五里駟所

說北則非也史記曰帝嚳氏沒帝堯氏作始封于唐望都

縣在南今此城南對盧奴故城自外無城以應之攷古知

今事義全違俗名望都故城則八十許里

原校此句距中上有脫

山城則七十里驗途推邑宜為唐城城北去堯山五里與

七十五里之說相符然則俗謂之都山即是堯山在唐東

北望都界皇甫謐曰堯山一名豆山

與郡國志注及御覽所引異

今山於城北如東嶺絕孤峙虎牙桀立山南有堯廟是即堯所

登之山者也地理志曰堯山在南今攷此城之南又無山

○世紀二

六 訓纂堂叢書貴筑楊氏采

以應之是故先後論者咸以地理記之說為失又即俗說

以唐城為望都城者自北無城以擬之假復有之途程紆

遠山河之狀全乖古證傳為疏罔是城西北豆山西足有

一泉源東北流逕豆山下合蘇水亂流轉注東入沁是豈

唐水平所未詳也又於是城之南如東十餘里有一城俗

謂之高昌縣城或望都之故城也縣在唐南皇甫謐曰相

去五十里稽諸城地猶十五里蓋書誤耳此城之東有山

孤峙世以山不連陵名之曰孤山孤都聲相近疑即所謂

都山也帝王世紀曰堯母慶都所居故縣曰望都張晏

曰堯山在北堯母慶都山在南登堯山見都山故望都縣

以為名也

乃詢四岳闔四門明四目達四聰東巡狩登泰山觀河渚受

謂歷試二十在位五十載陟方乃死謂攝位至死爲五十年
舜年一百歲也東晉古文作舜生三十徵庸三十在位僞
傳謂舜壽一百十二歲士安不用孔說知未見東晉古文也

殯以瓦棺葬蒼梧九疑山之陽是為零陵謂之紀市在今營道縣下有羣象為之耕御覽八十一

耕於厯山之陽耕者讓畔漁於雷澤漁者讓淵陶於河濱陶者器不窳初學記九 按初學記引此在娥皇女英妻之句下恐非

鄭元曰厯山在河東今有舜井皇甫謐或言今濟陰厯山是也與雷澤相比水經注

言陶於河濱卽禹貢所謂陶邱今濟陰定陶之西南陶邱亭是也詩魏譜正義

瞽瞍之妻曰握登生舜於姚墟故姓姚氏堯求賢而四岳薦舜堯乃命於順澤之陽文選王元長曲水詩序注

漢中成固姚墟在西北有舜祠後漢郡國志注

九訓纂堂叢書 貴筑楊氏采

負夏衛地水經注

媯水在河東虞縣厯山西內水涯也猶洛汭渭汭然也五帝紀索隱

舜嬪於虞虞城是也亦謂吳城史記秦昭王伐魏取吳城卽此城也後漢郡國志注

長沙下雋羅有黃陵亭湘中記亦云二妃之神又

舜彈五弦琴歌南風曰南風之薰兮可以解吾人之愠初學記一引作民

舜恭己無爲歌南風之詩詩曰南風之時兮可以阜吾人之財兮南風之薰兮可以解吾人之愠御覽五百七十一

西王母慕舜德來獻白環及玦并貢益地圖初學記廿一御覽六百廿一

舜所都也或言蒲坂或言平陽及潘者也今城中有舜廟經注舊本潘作蒲蓋校改與路史同

〇世紀二

十訓纂堂叢書 貴筑楊氏采

帝王世紀第三

晉徵士皇甫謐撰

長洲宋翔鳳集校

伯禹夏后氏姁姓也其先出顓頊顓頊生鯀封為崇伯納

有莘氏女曰志是為脩己其先出顓頊已下依初學記增史

顓頊之子字熙又連山易記夏本紀崇隱曰皇甫謐云伯鯀

系本亦以鯀為顓頊子漢書律歷志則云顓頊五代而生鯀

按鯀既事堯與舜代系懸殊舜即顓頊六代山行依初學記

孫則鯀非顓頊子蓋班氏之言近得其實

流星貫昴夢接意感班氏之意又吞神珠薏苡冑圻而生禹

於石紐按蜀志秦宏傳注引世紀曰鯀納有莘氏女曰志是

圻胸圻而生禹已上山行見流星貫昴夢接意感又吞神珠應

山廣柔縣人也生於石紐其地名剡兒坪見世帝紀虎鼻大

口兩耳參鏤一作首戴鉤鉤鈐胸有玉斗足文履已御覽三百

足文履已字故名文命字高密身長九尺二寸初學三百

七十寸並長於西羌西夷人也禹未登用之時父既降在正

庶有聖德夢自洗於河觀於河始受圖括地象也圖言治水

之意四嶽舉之舜進之堯堯命為司空繼鯀治水乃勞身涉

勤一作苦不重徑尺之璧而愛日之寸陰故世傳禹病偏枯足

不相過至今巫稱禹步是也一本無故世傳已下十九又手

足胼胝納禮賢士一沐三握髮一食三起一作殫堯美其績

乃賜姓姁氏封為夏伯故謂之伯禹天下宗之謂之大禹年

二十始用三十二而洪水平年百歲崩于會稽因葬會稽山

陰縣之南今山上有禹冢并祠下有羣鳥耘田原注修紀或云修已未詳

姓姁氏封為夏伯故謂之伯禹及堯崩舜復命居故官禹年

七十四舜始薦之於天薦後十二年舜老始使禹代攝行天

子事五年舜崩禹除舜喪明年始即真以金承土都平陽或

都安邑年百歲崩于會稽始納塗山氏之女生子啓即位初學

夏禹時渠搜國來獻褐裘也御覽六百九十四

禹鑄鼎於荆山在馮翊懷德之南今其下有荆渠也後漢郡志

今九江當塗有禹廟夏本紀

禹會塗山楊州之域當塗縣有禹聚初學

禹葬衣衾三領桐棺三寸葛以紼之下不及泉上不通臭既

葬以餘壤為壙若參耕之畝御覽七十

連山易曰禹娶塗山之子名曰攸生余玉海卅五按北史

魯史記則世紀引連山易者係劉氏後人竄

入以交其偽與世紀引晚出古文書一例

禹始納塗山氏曰女媧誤合婚於台桑有白狐九尾之瑞至

是為攸女有故連山易曰禹娶塗山之子名曰攸女生啓是

也御覽百卅五路史後紀十三云

皋陶生於曲阜曲阜偃地故帝因之而以賜姓曰偃堯禪舜

命之作士舜禪禹禹即帝位以咎陶為賢薦之於天將有禪

之意未及禪會皋陶卒夏本紀

皋陶卒葬之於六禹封其少子於六以奉其祀六故城在今

壽州安豐縣南也後漢張衡傳注

啓升后十年舞九韶三十五年征河西御覽八十二按此條當有誤

帝啓一名建一名余德教施於四海貴爵而尚齒養國老於

東序養庶老於西序在位九年八十餘而終又

鄒有甘亭在縣南夏啓伐扈大戰於甘後漢郡國志一注

有扈與夏同姓書甘誓正義

夏啓元年甲辰十年癸丑崩夏本紀集解

後漢郡國志潁川陽翟禹所都有鈞臺注左傳曰夏啓有

鈞臺之享杜預曰有鈞臺陂帝王世紀曰在縣西

太康無道在位二十九年失政而崩御覽八十二

太康失國兄弟五人須于洛汭號五觀也夏本紀索隱

水經巨洋水注國語曰啓有五觀謂之姦子五觀蓋其名

○世紀三

三 訓纂堂藏書 貴範楊氏集

所處之邑其名曰觀皇甫謐曰衛地

夏相徙帝邱依同姓之諸侯於斟尋氏戴案帝近刻作商斟下衍灌斟二字並誤

卽汲冢書云相居斟灌也水經巨洋水注

帝相一名相安自太康已來夏政凌遲爲羿所偪後漢桓帝記注作遂

乃徙後漢注商當作帝邱依同姓諸侯斟灌氏斟尋氏羿遂襲

帝號爲羿帝御覽八十二

帝羿有窮氏未聞其姓何先帝嚳以上世掌射正至嚳賜以

彤弓素矢封之於鉏爲帝司射歷虞夏羿學射於吉甫其臂

長故以善射聞及夏之衰自鉏遷於窮石因夏民以伐夏

帝相徙于商邱依同姓諸侯斟尋羿恃其善射不脩民事淫

於田畝棄其良臣武羅伯因熊髡龙圍而信寒浞寒浞伯明

氏之讒子伯明后以讒棄之而羿以爲已相寒浞殺羿於桃

梧而亨之以食其子其子不忍食之死於窮門浞遂代夏立

爲帝寒浞襲有窮之號因羿之室生奡及豷奡多力能陸地

行舟使奡帥師滅斟灌斟尋殺夏帝相封奡於過封豷於戈

恃其詐力不恤民事初奡之殺帝相也妃仍氏女曰后緡歸

有仍生少康初夏之貴臣曰靡事羿羿死逃於有鬲氏收斟

尋二國餘燼殺寒浞立少康滅奡於過后緡滅豷於戈有窮

遂亡也夏本紀正義

羿有窮氏未聞其姓其先帝嚳以世掌射故於是加賜以弓

矢封之於鉏爲帝司射歷唐及虞夏至羿學射於吉甫其臂

左長一本無臂故亦以善射聞與吳賀北遊使羿射雀左目字左作佐

○世紀三

四 訓纂堂藏書 貴範楊氏集

羿引弓射之誤中右目羿俯首而愧終身不忘故羿善射至

今稱之及有夏之衰羿自鉏遷於窮石因夏民之不附以代

夏政偪篡帝位故號有窮氏御覽八十二

寒浞有窮氏既篡羿位復襲有窮之號浞因羿之室生奡及

豷奡多力能陸地盪舟浞使奡率師滅斟灌斟尋氏殺夏帝

相封奡於過封豷於戈恃其詐力不卹民事初奡之殺帝相

也妃有仍氏女曰后緡方娠逃出自竇歸於有仍生少康焉

初夏之遺臣曰靡事羿羿死逃奔有鬲氏收斟灌斟尋二國

餘燼殺寒浞立少康又

帝杼一號后杼一作帝宁或曰公孫曼能率禹之功夏人報

祭之在位十七年又